

Mboengqneix, 《Daxboh Bae Gizlawz》hoengh lo, cizciz ngaekngaueu simvunz, song hamq sam dieg, ndawsingz lajmbanj bouxsai mehmbwk bouxlaux lwgnyez, cungj haengj boenq yawj, daiq gou hix caez miz faenh. Ciz 《Doxvuenh Daxboh》gou ceiq yaenx, hawj gou naemj daengz haujlai haujlai.

Baez doxvuenh daxboh, bouxlaux caenh siengj guh ndei “daxboh moq”, hoeng geij boux lwgnyez cix miz boux daej miz boux riu.

Daeglwg Cangh Lieng heuhguh Daenggoenz, de haengj “daxboh moq” Denz Lieng, aenvih ngamq yienfwngz “daxboh moq”, Daenggoenz couh guh’ unj yaek “gwiw max”. De heuh Denz Lieng gongzyongq roengzdaeuj, Denz Lieng gongzyongq lo, hoeng Daenggoenz benz mbouj ndaej hwnjbae. Denz Lieng mbouj rox de yaek guh gijmaz, couh cam de.

Vuenh Daxboh

换 父 亲

——Yawj 《Daxboh Bae Gizlawz》Naemj Daengz

□Moz Gwzli/莫克利

Daenggoenz naeuz de siengj “gwiw max”. Denz Lieng couh naeuz “neix yungzheih dangqmaz”. Denz Lieng doq gangj, doq heuh Daenggoenz ndwn baihnaj, song fwngz yaepyet couh gingz Daenggoenz hwnj gwnz gyaeuj mbaeumbeng, caiq hawj de song ga hamj gwiw youq gwnz mbaq “gwiw max”. Neix caen singisien, Daenggoenz caengz raen gvaq, ndigah

gamjdaengz youh geizheih youh doeksaet, riugagak mbouj dingz, yaepyet de couh gig haengj Denz Lieng guh “boh” lo. Caemhcai q daengz ciz 《Doxdax Caenh Mou》, daxboh de Cangh Lieng mbouj bang de caenh, de couh goen aeu vuenh Denz Lieng guh boh, caiq doxdax caenh mou.

Dahlwg Denz Lieng couh mbouj

ndaej lo. Baez faen ndaej “daxboh moq” Linz Ciyngj, de couh daej-nganga. Yienznaeuz “daxboh moq” lox bae lox dauq, dahhaenx cungj itcig daej “gou yaek ra daxboh gou……”

“Daxboh moq” Kimi Goh Dauh, bingzciengz doiq daeglwg de Daegrin, dingzlai dwg hat roxnaeuz fok. Seizneix deng guh “daxboh” laeq iqet sei q bi neix, ndaek vunz hungsang neix mbouj gamj hat fok lo. De siujsimriri, vuenh gak cungj fuengfap mbouj doengz bae lox laeq nyez iq neix. Banringz yaek ninz, youh gangj goj lox ninz. Banringzgvaq Kimi caengz singj, seizneix heuh youh lau de guhnyah, “daxboh moq” couh menhmenh dai gyae daengz gyawj, gij sing heuh lumj ciengqgo nei……

Daengz gyanghwnz yaek lox ninz, Kimi caen cojgvaq, youh siengj daxboh swheij youh mbouj gamj daej. Deq Goh Dauh bae cung naijfwj hawj de, de cij laeglemx uet raemxda. Goh Dauh cung naijfwj haujlai nanz, cij dauqma lox Kimi……

Cingq lumj Goh Dauh naeuz haenx, bingzciengz de swheij nyaengq dangqmaz, gyawz miz seizgan guenj daeglwg, lien cung naijfwj hix dwg baez daih’ it, geijlai naijfwj boiq geijlai raemx, raemxgoenj roxnaeuz raemxraeuj, caen mbouj rox dahraix.

Doenggvaq mbat “vuenh daxboh” neix, geij boux daxboh cungj gamjdaengz, dang boh mbouj yungzheih, dang boh bouxwnq engq mbouj yungzheih ha.

Dwg ha, dang boh dang meh mbouj yungzheih, dang boh dang meh bouxwnq engqgya mbouj yungzheih. Dou dang lauxsae, neix mbouj dwg dang bohme “bouxwnq” ha? Bohmeh dwg boux lauxsae daih’ it lwgnyez, dou lauxsae mbouj couhdwg boux bohme daihngleih lwgnyez ha?

Daj haenx daengz neix, dou guh bohme bouxwnq, mbouj engqgya aeu miz naihsim saeqsim caeuq gyaesim ha? Danghnaeuz lauxsae dangq hagseng guh lwg swheij, hagseng guh mbouj deng, lij miz fad naek roxnaeuz caenh deuz lwi? ……

Byaij Haeuj Seizcin Ma

走进春天来

□Suh Dasingh /苏大星

Cin daengz mbwn hai raeuj
Gyaeujbi doenghva hai
Duzrwi gvax gvaq byai
Mbungqmbaj lai daeuj lienh

Byaij haeuj seizcin ma
Roeg hemq va youh lig
Raemxrij sawdikdik
Seiqhenz gig gyaeunde

Roegenq daeuj gonq cin
Mbin hwnj mbwn doxlaeh
Eu fwen youq byaifaex
Gaenx daeh namh guh rongz

Gyoengqvunz youq gyangnaz

Ganj muengz ma cae rauq
Bwh ndaem haeuxcaujdau
Caux dieggyaj ndaemcin

Nungzyez yendaiva
Gaijgwz ma haeujlaeg
Miz Cungguek daegsaek
Fazcanj yaek bae nyaemz

Singz mbanj yizdijva
Cwngcwz ma dingh hab
Siengj gak cungj banhfap
Hab ik ndei “sanhnungz”

Cazyanghgi roengz naz
Majdaz yienjihoho

Gih bae gyaj saep(cap) go
Ngaek gyaeuj coh vunz riu

Cin ndaem it naed ceh
Cou sou de fanh gaen
Vunz gaenx haeux couh baenz
Liengz ngaenz caez doh yungh

Nungzyez dwg giekdae
Gak nieb ndaej baengh’ing
Gensez caez buekmingh
Fazcanj dingh hoenghhwd

Seizcin gyaeu lumj va
Bangxbya faex venj mak
Bobaq raeuz ronghsag
Guekgya ak hwnjdaeuj

Veiz Gozcingh siengj gaem gienh saeh nei, cungjdwg gaem daengzdae bae. Bi 1965 ndwencieng ngamq gvaq, de youh ciucomz Lij Yinhdanh、Hoz Gi、Yangz Yungzfeih、Yenj Hungzconh daengj vunz daeuj cienmonz ngeix-yaeng gij vwndiz henzdingz Namzningz ndaem faex loegvaq haenx. De giengzdiuh, fonzdwg gij seiqhenz dieg vunz youq haenx, cungj aeu ndaem doh faex. Ganbu gihgvan caeuq siminz, bouxboux bibi cungj aeu camgya yivu ndaem faex 7 daengz 15 ngoenz. De lij lai baez yungh ngoenzvietnaiq caeuq Lij Yinhdanh、Yenj Hungzconh daengj vunz bae daengz Sihyanghdangz、Laujgouj、Yungjhoz daengj gij dieg henzsingz neix, diemjcaz hong cauh ndoeng loegvaq.

Bi 1965 ndwen 9, Veiz Gozcingh bae diegroq ywbing liuzyangj, hoeng de ciuqyiengh nanz lumz gij hong loegvaq Si Namzningz. Ndwen 7 ngoenz 15, de youq Sanghaij dwk dienhvah hawj boux suhgi siveij gonq

Namzningz Siuh Hanz, naeuz: “Aeu laebdaeb gaem ndei cauh ndoeng loegvaq. Hong bwhhoenx caemh aeu cagaenj, hoeng gaej aenvih guh bwhhoenx cix lumz guh hong loegvaq. Daih’it aeu laebdaeb demgvangq suen’ golwg, demgya binjcungj ndei; daihngleih, aeu ganq ndei gij faexlwg gaenq ndaem haenx, noix golwg nei aeu bouj caez bae, go iq go nyieg nei aeu dawz bwnh daeuj viq.” De lij cingj Siuh Hanz bae ra Lij Yinhdanh doxyaeng, guh geij diuz roenraemhfaex. De genyi: Suen Gunghyez Baihnanz

Dah daengz ciengzfeihgih、Guengjsae Daihhag daengz Gvangjsih Minzcuz Yozyen song diuz roen neix, ganjdienhsienq mbouj ndaej gvaq youq gwnz roen, mienxndaej ngu h gij faex henzroen majhung. De naeuz, mbanj roen Sanghaij godoengz Fazgoz maj ndaej haemq ndei, seizneix gij dieghenz Gvangjsih Yihozyen caemh ndaem dingz gofaex neix, hoeng aenvih miz dienhsienq gvaq dingjfaex, gofaex ciengz deng raed nga, yienghneix dingz gofaex neix cungj maj mbouj ndei.

De gig yawjnaek gij faexloih loegvaq Namzningz Si, lai baez caeuq Cinz Yinggih、Lij Yinhdanh、Yangz Yungzfeih、Yenj Hungzconh、gij canghhag ndoengfaex doxyaeng, youq Namzningz, ndaem gijmaz faex loeva ndaej engqgya ndei, ndaej engqgya yienh’ok daegsaek Namzningz. Mbanj vunz nyinhnaeuz, Faexfungh-vuengz dwg sam cungj gofaex okmingz seiqgyaiq ndawde cungj ndeu, hai va le hoengzfiengfieng baenz feiz bae, wnggai lai ndaem.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

Namzningz Siuh Hanz, naeuz: “Aeu laebdaeb gaem ndei cauh ndoeng loegvaq. Hong bwhhoenx caemh aeu cagaenj, hoeng gaej aenvih guh bwhhoenx cix lumz guh hong loegvaq. Daih’it aeu laebdaeb demgvangq suen’ golwg, demgya binjcungj ndei; daihngleih, aeu ganq ndei gij faexlwg gaenq ndaem haenx, noix golwg nei aeu bouj caez bae, go iq go nyieg nei aeu dawz bwnh daeuj viq.” De lij cingj Siuh Hanz bae ra Lij Yinhdanh doxyaeng, guh geij diuz roenraemhfaex. De genyi: Suen Gunghyez Baihnanz

Dah daengz ciengzfeihgih、Guengjsae Daihhag daengz Gvangjsih Minzcuz Yozyen song diuz roen neix, ganjdienhsienq mbouj ndaej gvaq youq gwnz roen, mienxndaej ngu h gij faex henzroen majhung. De naeuz, mbanj roen Sanghaij godoengz Fazgoz maj ndaej haemq ndei, seizneix gij dieghenz Gvangjsih Yihozyen caemh ndaem dingz gofaex neix, hoeng aenvih miz dienhsienq gvaq dingjfaex, gofaex ciengz deng raed nga, yienghneix dingz gofaex neix cungj maj mbouj ndei.

De gig yawjnaek gij faexloih loegvaq Namzningz Si, lai baez caeuq Cinz Yinggih、Lij Yinhdanh、Yangz Yungzfeih、Yenj Hungzconh、gij canghhag ndoengfaex doxyaeng, youq Namzningz, ndaem gijmaz faex loeva ndaej engqgya ndei, ndaej engqgya yienh’ok daegsaek Namzningz. Mbanj vunz nyinhnaeuz, Faexfungh-vuengz dwg sam cungj gofaex okmingz seiqgyaiq ndawde cungj ndeu, hai va le hoengzfiengfieng baenz feiz bae, wnggai lai ndaem.

(caengz sat)